



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 8. stav (1) Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17, 59/22 i 88/23) i Odluka o popunjavanju radnog mjesta zaposlenika broj: 07-3-34-1-236-1/26 od 05.02.2026. godine, Ured za veterinarstvo Bosne i Hercegovine, raspisuje

JAVNI OGLAS

**za popunjavanje radnog mjesta zaposlenika na određeno vrijeme do povratka zaposlenice sa
porodiljskog odsustva**

u Uredu za veterinarstvo Bosne i Hercegovine

AGENCIJA ZA OZNAČAVANJE ŽIVOTINJA

1/01 Operator za obradu podataka

Opis poslova i radnih zadataka: u saradnji i pod nadzorom stručnjaka za software/hardware obrađuje u statističke svrhe sve dobivene podatke u skladu sa zahtjevima operativnog menadžera, određuje kodove za držaoce pod nadzorom IT menadžera, provjerava podatke zaprimljene od DEO-va, provjerava primljene podatke i obnavlja podatke o klaonicama i stočnim pijacama, provjerava da kodovi već nisu uneseni u bazu podataka i dodjeljuje zadnje brojeve, printa dokumente koji se odnose na ušne markice i osobine koda (pasoše i obrasce), obnavlja bazu podataka sa ukazanim promjenama, prima od sekretarice podatke o uvozu živih životinja i provjerava da li životinje imaju istu destinaciju dojavljenu od granične veterinarske inspekcije, obavještava sekretaricu ako podaci primljeni od DEO-a ne uključuju sve uvezene životinje, prima od sekretarice podatke o izvezenim životinjama i briše ih iz baze podataka, kontroliše da se podaci o kupljenim/prodanim životinjama slažu jedni s drugim u slučaju da se ne slažu informiše sekretaricu za buduće akcije. Obavlja i druge poslove po nalogu šefa Agencije. Za svoj rad odgovara šefu Agencije.

Vrsta poslova: pomoćno-tehnički;

Grupe poslova: operativno-tehnički;

Stepen složenosti poslova: složeni;

Opšti uslovi koje kandidat mora ispunjavati:

- da ima navršenih 18 godina života;
- da je državljanin Bosne i Hercegovine, što se dokazuje uvjerenjem, ne starijim od 6 mjeseci;

- da protiv njega nije pokrenut krivični postupak za krivično djelo za koje je predviđena kazna zatvora tri ili više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini;
- da nije obuhvaćen odredbom člana IX stav 1. Ustava Bosne i Hercegovine;
- da je fizički i psihički sposoban za obavljanje poslova radnog mjesta na koje se prijavio kod poslodavca.

Posebni uslovi:

- IV stepen SSS - tehničkog ili društvenog smjera;
- najmanje šest mjeseci radnog iskustva na istim ili sličnim poslovima i zadacima;
- položen stručni upravni ispit;
- poznavanje rada na računaru;

Broj izvršilaca: 1 (jedan)

Mjesto rada: Banja Luka

Status: zaposlenik

Potrebni dokumenti:

Uz prijavu sa kratkom biografijom na Javni oglas kandidati treba da dostave original dokument ili ovjerenu kopiju:

- diplome o traženoj završenoj školi (nostrificirana diploma, ukoliko škola nije završena u BiH ili je diploma stečena u nekoj drugoj državi nakon 6. 4. 1992. godine);
- uvjerenje o državljanstvu BiH, ne starije od šest mjeseci;
- uvjerenje o položenom stručnom upravnom ispitu;
- potvrde ili uvjerenja kao dokaz o traženom radnom iskustvu;
- dokaz o poznavanju rada na računaru;
- dokaz da kandidat nije obuhvaćen odredbom člana IX stav 1. Ustava Bosne i Hercegovine (izjava ovjerena u opštini);
- dokaz da protiv kandidata nije pokrenut krivični postupak za krivično djelo za koje je predviđena kazna zatvora tri ili više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini, kandidat dostavlja samo u slučaju, ako bude izabran ; i
- dokaz o fizičkoj i psihičkoj sposobnosti za obavljanje poslova radnog mjesta na koje se prijavi (ne starije od 6 mjeseci) – kandidat dostavlja samo u slučaju, ako bude izabran.

Napomene za sve kandidate:

- Javni oglas se sprovodi u skladu sa odredbama Zakona o radu u institucijama Bosne i Hercegovine i Pravilnika o unutrašnjoj organizaciji Ureda za veterinarstvo Bosne i Hercegovine.
- Svi prijavljeni kandidati koji ispunjavaju uslove iz javnog oglasa i koji su se prijavili na javni oglas, podliježu procedure provjere osposobljenosti za obavljanje poslova za radno mjesto za koje su aplicirali, koju sprovodi Komisija za izbor.
- Sve tražene dokumente dostaviti najkasnije u roku od 8 (osam) dana od dana objavljivanja oglasa u dnevnim novinama „Dnevni list“ i web stranici Ureda za veterinarstvo, putem pošte, preporučeno na adresu:

Ured za veterinarstvo Bosne i Hercegovine

Maršala Tita 9a/II

71 000 Sarajevo

**Sa naznakom „Javni oglas za popunjavanje radnog mjesta zaposlenika na određeno vrijeme do
povratka zaposlenice sa porodijskog odsustva
u Uredu za veterinarstvo Bosne i Hercegovine“**

**Nepotpune, neblagovremene i neuredne prijave, kao i kopije tražene dokumentacije koje nisu
ovjerene, neće se uzimati u razmatranje.**

